



Мэбета вадава” ила’ панан’ етри’ мэква”!

# НЯРЪЯНА

## НЭРМ



№ 28 (5302)  
2026 по’  
июль иры’  
11 яля

СУББОТА

ГАЗЕТА 1931 ПО’  
АПРЕЛЬ ИРЫ’ ЮКАД ВАТА  
ХАСАВАЮДИМДЕЙ  
ЯЛЯХАД НАДИБЕРҢА

СИ’ ИВ ЯЛЯХАНА  
НОПОЙ’ СЕРТАБИВА”

Российская Федерация Ямало-Ненецкий автономный округ



Сидяңг: Алла Вануйто’ тавы

Яхандо’ таром’  
ха”аврамби”

2

## Џоб” ту’ тер”

Неняңг” иры’ сиднетимдей яляхана Россияна” тиңгывна мяд’ тер” ялям’ мэ”-нава”. «День семьи, любви и верности» хэбидя ялям’ мат” по’ тяхана җарка яляңэ серта таславэдонзъ. Теда’ яна” ханярина илена” мяд’ тер” сямянхат сава яля.

Иландо’ ямбан’ җопой ила’ сехэрым’ нё-дана” ненэця” яханана” ёльце саву”яна”. Ты’ пэрти”на”, халядани”на” поңгана няхар” ю”, самляңг ю” по’ җобкана илена” ни”на” хусувэй по’ намдоръяна”. Нямэхэна җопой мэ” мяд’ тер’ нямна җани’ намдаваць.

Ямальской район’ терха’ Лаптандер Борис Папакоевич няби Янгане Аювна мяти’ самляңг ю” по’ тяхана палаць таславэдинзъ. Мяд’ тернэ хэмьяди’ җули” хубтемя, тикэр самляңг ю” яля вуни җа” – наңэдя ил’. Пыди’ җобт’ тэв”махаданди’ таминди’ тэхэ”на иле пэйханзъ. Мюсьлава” ёди’ Яр-Саля’ вы’ җардавна ханцеты”. Ся-харинда ниди’ нядабавади’ сидди’ нерня’ минре. Җамгэхэртан’ нисъ табаңгахая җоб” хэвхана миҗаха’. Сямян манзаямди’ җобкана пэрмарихинанди’ тоенана выңгы илм’ пирдалевэди’. Җацекиды’ җани’ сидти’ тотрев’ сава ненэцяңэ вадаҗахаюди’. Теда’ нюди’ мал’ харто’ мяд’ терсавэй”, мал’ яля’ ня’ җа”, тэравы” манзаяха”нато’ таром’ яхана” тэврамби”. Сидди’ нядаба мя”ам-нанди’ җоб” җадиберҗа”, пуња’ җэвахад ехэра”. Нюти’ ню” тохолкова’ серкана җули” пэдава”, поңгнандо’ ва”лэй” сёбар” җани’ тания”.

Самляңг ю” по” ямбан’ җобкана иле-ванди’ няю’ Борис Папакоевич няби Янгане Аювна округна” җэвахана мэна ервхад ненадо падарм’ ня”маҗаханзъ. Ня”мавы ненадумд”мади’ сян по’ җобкана мэҗаха’ таҗок есям’ тер”җасъ. Тад’ нерня’ сензаха’ җэҗаха’, хэвхананди’ нюди’ мэя”, иланди’ ханзо”җая.

Җани” яна” тер” тюку вадета няхаю”на” тотрев’ җобтики мядото’ тер’ сяҗая”, нидо’ нядаба илея”.

Анна Яптик’ падвы



Сидяңг: Анна Яптик’ тадтавы

### Нядаңгода” ладкари”

Тюку та’ Ямал’ яхана” вымна мюсерта”, халям’ пэрти” ненэцяңг” икад пыхыд вэңгарамба мэта тюсьда ладкари мипа пяць. Мале няхар” юр” мян’ җэрм’ тер” тарця җаво ня”амвы”.



Сидяңг: Федор Воронов тадтавы

2 стр. җа

### Тохолкоди” е”эмня

Теда’ 2020 поход маня” яхадана” мя-кадандо’ җаха” тохолкованзъ хэвы няда-бидо’. Ямална” җуданданахад минда еси” няд”мам’ няндо’ мипи”. Җокханда ирыхына җэдарамбададо’ ю” ёнар” еся.



Сидяңг: Марина Ярой’ тадтавы

3 стр. җа



### Мятчел дялям мэ”җа”

Җалка Россия дяхана-на недяңк дилиң шитчет-ты дядя – мятчел дядяңэ тунды. Луши” дилхана куптат тадяҗайта кай-вюча дядя, символ’та – ромашка нимит’та ве-паку.



Тагтама: Лариса Айбасеҗо тадтавы

6 стр. җа

# Яхандо' таром' ха'аврамби"

Та' ямбан' мяканандо' нэ-вадэда" наркамбой" нацекеы" тэри нива мэва' е"эмня хусувэхэт хуркари серо тасламби". Ямал' тиңгывна илебей ненэцие" ед' нэда «Молодёжь и дети» протем' минре".

Тохолкова" ялэдо' малевэхэв" нокаюм' пелядо' ныланалва" яха", лагерьк" хан"на". Нэрем яханандо' хаюрта" таңы ныланабидо' ханзоць мэ"мандо' е"эмня манзара". Ненэй организацияхана таром' ха'аврамби", нанидо' харад' пойм' таборкат хабтумдамби", харванидо' ненэцие нядаби".

Ямальской районхана юкад вата тет похото' ха"амвы" ед' та' «У Карского моря» (Итя Набтеныя яв' хэвхана) лагерь танысеты. Райондо' хусувэй хардахана тохолкодито' е"эмня харто' тарця сертаби". Турта" нацекеы" яляхана няхар" сян час ныхындо' пирувна манзара". Неноховавна пыдо' харад' пою" табаро ма"ламба, нямдэдо' набтамба нядаңгосеты". Яля' ер' пуд нянандо' мэна" наркамбой" нидо' нюрцьм' серк" сиддо' тохоламби", сянакултамби".

Манзай" хари" тохоламбада" илебей" ненэця" та' мякато' тэв"махадандо' ханяңыдо' нани' манзарасеты". Тикы' нямна сиддо' «Ямал»м' нубета организация нядаби. Тохолкоди" ед' минрена ноб" проектадо' Сё' яха няна минзеты. Тюку по' Сё' яха лаңгм' мюмдебаңгу". Юкад вата сиднет похото' тэвавы таңы сидя ирын' нарка ненэцие" мянувна манзаян' ня"марпидо'. Таняна нида тидхалембаданэ Лариса Николаевна Вануйто тара. Пыда тарем' мась:

– Хардахана манзарана" илебей" ненэця" та' нарка таром' ха"



Родислав та' манзарванда нямна мале сыра' ибедормы. Нара' пыхыдамда ерво" хардахана манзаранаха" ваде"мэда. Падрода серта"махаданда маңгы" ирыхына манзая таниява' нямна сита хонравы".

аврамби". Теда' иба нэваханда хусувэй таросьялмы нямгэм' хэвня' наволць тара. Тахабтавы" пя" харад" пахаңэ таравы" нямгэ", яхад паклёда" еся" лоңг" матор-

кая хэвня' пэрьядо'. Таросьялмы" тибей" сарай" тахаро"махат ям' таңгумдамби". Манзаидо' пэраць хуркари таславы мирво мэ"на". Нюли" нерде пэвандо'

нерня наркамбой нидо' едэй товы" няхато' мирво ханзер" мэць таравамда ваде"надо', манэ"лабтамбидо'. Тикы' пуд хусувэдо' манзаямда тоса минре-ванда няю' пидте"мямда падарт' набтамби.

Ноб" тарця илебей ненэциам' лаханаконэ"наваць. Родислав Вануйто Си"ив харв' хардахана ту' лэе мэць – «электрикнэ» тохолку. Теда' пыда нани" нита ня' хардандо' хэвхым' саңговата хамболкат хабтомдамбидо'. Еся лоңг" етя ян', ту' нано" нулаңгалван' нарка машинаха"на тэвабидо'. Нэре' няна тюку яхад ту' нанохона нарка марк" заводаха" ханаңгудо'. Илебей ненэцяңгана сидя иры' недбьяда сава няд"ма. Тарем' недво"мы есякуда харта инда сер' нямгэ таранавнанда мэтыда.

Ныланава' ялэдо' сава серо" няю' мэта" Ямалханана" хусувэй хардахана тания". Харто' яндо' ед' няркомбада" хуркари проект падыби". Неноховавна нэрем ява" лэтрамбавана" няю' нэда серо нобнзер' минреб"на" тара".



Сидяңг": Алла Вануйто' тавы"

## Нядаңгода" ладкари"

Тюку та' Ямал' яхана" вымна мюсерта", халям' пэрта" ненэцяңг" икад пыхыд вэңгарамба мэта тюсьда ладкари мипа пяць. Мале няхар" юр" мян' нэрем' тер" тарця нэво ня"амвы".

Еси" хэ"мяхад хой' тер", халям' пэрта" нанохо"на ядэрна". Выңгана илена" ямданаб"нандо' яха" маторпи", ватаңгоб"нандо' нани' нанэрна". Сяхари' ненэць' ид' нина мэванда ёльцьңгана, тосава' нямна теневаб"нанда нод" хуркари сер" хадкэңга". Хибяри хибя ит' пакал"махаданда ханзер" пыхыдамда вэңгарамба таравахад, сейнда хэсь юрхалңга. Тарця серт' еремб", тюсьда лад-

кари ненэцьм' тю"у' ид' ни' нэкалтада.

Хусувэй мяд' тер" сидя ладкари" ня"ма пир"на". Тикы' е"эмня харто' нэрем' тер" илам'

нерня' минрена" ерваха" хонаркобто' тара. Падарм' тикы' няю' падаңгу". Теда' Пэ" нямна мюсерта", халям' пэрта" ладкари ня"маць. Ид' ниня лэтраңго

мэта нямгэри" тарава' ёльцьянда нопой порин' таславы ни на". Тюсьда ладкаридо' мале сян по' мэць пиртыдо'.

Тюку походи"мня, нано' мюня, ненэця" тюсьда ладкари-сипой' нэдалэрпато' ни серос". Ид' ни ня сер" хадкэвоңгад ГИМС манзарана" нэреј' са-лаби" нэсонд' и"мня нанохо"на нэдалэрти манэсарта". Хусувэва" тенева – и" сянаку ни на"!

Тарця сава иңудм' округна" нэвахана мэна нэрем' тер" мядо"мана" нэдалэрманда пуд нэдимдэвада. Тикы' нямна мюсерта", нэдена" хонрамбавэдонзь. Похорт нись хань", мале теда' яна" тер" ладкари ня"ма".



Сидяңг": Федор Воронов' тадтавы"

# Ёльце пэдава

Маңгыты иры' 15 яляхана яна тер' һацекеы ям' теневава' нямна һэда экзаменм' падыбиць. Юкад вата тет яля хэ'мяхад ханзер' манзаидо' серта'мамдо' намдаваць.

Сидя яна тер не һацекехэ' смянхат ва'лэйха' һэвэхэнзэ. Пыди ЕГЭМ' һули' ваць сававна няхатати' падвэдинзэ. Сидябты' 100 баллм' ня'амвэхэнзэ. Ненэй не һацекеэюм' Яр-Саля' харад' няд һа. Нюмда Мария Ладукай. Пыда Василий Давыдов' нюмна нюмдевы тохолкулава' хардахана тохолку. Мария һамгэри һамгэхэна ёльце пэдава һэсь пэрһа. Тохолкова' сер' нянанда һани' ни тоена'. Тикыда мале нюдя һэдаханда ихинанда пойда серганда хэвы. Юкад вата нюртей класс' һэсонд' тэваванда нерцю' сита һока мэва' саву'мы'. Пыда хуркари' тохолкова' нямна һэда' пирдырмаха'на мэсь пэрмы. Школамда нерня' пэраць һобтики варемда мэ'мы.

Ямальской район' һэвахана мэна ерв юнм' намдаванда сер' һани' вадам' мэ'һась. Пыда

вадавна яханандо' Мария нерцю' һани хибяхарт тамбирувна сававна экзаменамда нивы падыбю'. Ивьер' тоходанванда хавна «Гений Ямала» есясавэй падарм' ня'марпавысь. Округна', район', школа' тиһгывна минда' олимпиадаха'на мэсь пэрмы, сяхари' нюмда нерня' һадибермы.

Мариям' сававна хамэдавы – Мария Александровна Подкосова. Хока' по' ямбан' яна тер' һацекеы географиян' тохоламбдаһэ тара. Тарця манзаям' минревада тет ю' хасава ю' по'. Хока сава таром' сертаба'манда няю' «Заслуженный учитель России» нюмам' мэ'һа. Иланда ямбан' тидхалевэда, табавыда хока. Вадавы' ненэциеда теда' я' ханярина манзара', луца' нендо' табеку тева' тенат' нидо' юрыбю'. Сяхари' Мария луца' немда сава вадахана хомбаһгуда, вырэй һэвамда едэй пыванда илаһгананда һани' ма'нэ'лабтамбаһгуда.

Округханана' 100 баллм' ня'мавы' Ямална' һэвахана мэна'хад есясавэй падро ня'марпи'.



Сидяһг: shulanov, ai няд ханавы

Сиддо' тохоламбдахато' һобтики тарцям' мипи'. Есяндо' хокад юр' ёнар' еся. Няд'мам' 2020 поход һадимдемба пядонзэ.

Анна Яптик' падвы

## Мел' һобт' ма'лы'

Тасу' я' няна пяхат һаво мимбади' ненэцие' фестиваль пэяць. Нюмда «Легенды Севера», ненэй вадавна манзэ «Нэर्म' я' ва'ал'». Неняһг' иры' 4 яляхад наһэдя си'ив мел'мана мирць теневава' помнандо' пирдырта'.

Ямалханана' тикы юнета фестиваль юкад вата няхаромдей' по миһа. Мел' ненэцие' сертабада' һэрм' я' тер' невхы ила' саирм' минре нядаһгу'. Пирдырманзэ

Петербургахад, Удмуртияхад, Карелияхад, Ямал' яхадана' һобт' ма'лы'. Пяхат мимбадидо' һэрм' тер' невхы' лаханакохо'на, хынабцаха'на, сюдбацха'на вадети һаво хэтыдабц'. Мале сян яля' пихиня мирта'. Хока пях' ютеркад хуркари сидяһгадрев', һопой мандалакоһэ тидхалевы мэкад һаво һадимдембавамдо' маниева һули' нюрцьм' һэһгу'.

Тасу' я' һэвахана мэна ерв янда' тер' тарця илека серт' сырманзэ һани' ханһядась. Мирти'

ханзер' манзаи сертабавамдо' хусувэй хибя мание пиртада. Няхато' сырманзэ турта' фестиваль ханзер' мимам', ханяһы' манзая' ихинато' хурка һэвам' интернетувна вадець һани' пиртадо'.

Тикы пирдыртина' поһгана смянхат мел'мана, ва'лэйвана пяхад тидхалё мивы манзаям' неняһг' иры' 10 яляхана намдаһгува'.

Алла Вануйто' падвы

## Вадам' лэтрамбава' нямна

Неняһг' иры' нерденя' яляха'на Саранск' маркана һобт' тасалко хока конференциян' ма'лэвы' хуркари' я' тер' ненэцие' вади лэтрамбава' нямна лаханаць.

Тет по' тяхана ООН' я' тир' ний вади лэтрамбава' няю' юд' пон' минреванда серо тидхалець. Тикы' няю' минрена серо һобт' тасламба маня' Россия яхана' я' ханярид хока конференциян' «Всемирная сокровищница родных языков: оберегать и лелеять» няхаромдэй' мэва' серо теневава' тэворһаць. Я' сяр' нина ненэцие' вади' тэһз' тэри ян' нива ёхова' е'эмня наукам' пэртя', тохолкурма' серо минрена', музей' манзарана', ила' саиро тидхалембада' лахарём' һабтамбиць.

Лаханавы' поһгана маня' яна' няд сидя сава нехэ' вадам' мэ'һаханзэ. Ольга Николаевна Пандо тохолкода' һацекеыта ня' пэрта «От чума до нейросети» манзаямда вадэ'һась. Пыдо' ханзер' мутра и' һудм' няд'мяць тохолкурмамдо' ма'нэ'лабтамбись. Толаһгулава мякана манзарана Татьяна Сергеевна Шевяхова ханзер' һэрм' тер' илм' манзаяхананда минреванда нямна лаханась.

Вадам' мэць һэвадаб', вада пуня' «соя» сяхаһгарт' һани' нида пират'. Тиканда һадьбято' вади лэтрамбава' серо минрева' нямна я' ханярина тарем' тасалко ма'люрһа'.

Нюдяне Махакуй' падвы

## Тохолкоди' е'эмня

Хока' хардахана'на тохолкода' янамбовна мякато' турць пэяд'. Таһы пэрта тохолкова' серодо' малейдо'. Теневабодо' тид' һадимдевыто' е'эмня яһга сава юн тая.

Теда' 2020 поход маня' яхадана' мякадандо' һаха' тохолкованзэ хэвы нядабидо'. Ямална' һуданданахад минда еси' няд'мам' няндо' мипи'. Хокаһанда ирыхына һэдарамбададо' ю' ёнар' еся. Мякад хэвняна мэб', тикэр ненэцианд' хока таром' ха'аврамби.

Хибя тарцям' ня'ма пир'һа? Тохолкода Ямалхад һэда һэрм' тер' һэб'нанда серо'һа. Тадикыхад ялэй тохолковахана мэбта, тетри няби самляһгари ня'марпабата тара.

Падар' ханя' һэдарамбада'? Округна' һэрм' тер' серо тасламбада департамент' манзарана' падро ма'ламбидо'. Тюку Dkmns@yanao.ru электронной

почтавна падна няндо' сава. Таславы яляндо' ёльць' 2026 по' пилю' иры' 31 яля.

Һамгэ' то'олха' падро һате'? Харе' пыхыд нямна һэда падарм'



Сидяһг: Марина Ярой' гадтавы

терде, падро манэсармандо' няю' яһга падарм', һани' ханярина ненэциам' вадець пир'мандо' няю' таславы падарм' пада табедамби'. Тикы' хавна паспорт' копия, ИНН, СНИЛС, есь' хардахад минда падарм', «МИР»м' нюбета картан' еся ня'мава' няю' таславы падарм' һэдарамба тара'. Неноховавна тид' тохолковам' һадимде серо'һа. Тикы падарм' тохолкулава' яхад тамбидо'. Тарана падро <https://dkmns.yanao.ru> сайтан' мэвыдонзэ.

Ма'ним', mail.ru, yandex.ru мэ'һада'. Хокаһэй' сервер' сер' һэдараб'нанда', падвыда' няндо' нид' тэваһгу'. Телефонувна хокаркоб', һани' сава: +7(34922) 6-70-17.

Хокаһине Яптикы' падвы

# Чукча" – нэрм' тер" ненэця"

Нэрм' няна, ялэмдад' тарп' няюна чукча" иле". Яв' хэвхана иленидо' – яв' ханенавна хане", выцгана иленидо' – ты" пэрңа".

Чукча" ядо' Нэрм' ям' хэвхад Беренгов' ям' ня' тэворңа. Мюселава" ёдо' Анадырь няби Индигирка яха' нэсонд' лехэбты". Яндо' нюм' – Чукотский автономный округ. Тикы" ёдо' невхы" похона иринато' ховы" я". Толыр"манандо' нокхандо' юкад вата мат" ю" ёнаркад хаця" ва"ңа". Тэсавэй ненэцидо' яханандо' «чауча» нюбе"ңа", «нока тэсавэй» нэвамдо' ваде"ңа". Чауча" – ты" пэрңа", мюсерңа", ярангаха"на иле". Танияңы яхана илена" ненэця" ханяңыдо' вэно вадаби", нэдалёрць мэ"эйдо'. Яв' хэвхана иленидо', халям', яв' ханенам' пэртидо' «анкалын» нюбе"ңа". Тикы нидо' ни" мюсер".

Чукча" едандо' терңэ, наябаддандо' ты' нямзи, яв' сармик' нямзи, халэ нэворңа". Сельбя' няна ноди, вэмня' вэби, нерка'



вэби, пя' сябто' ма"ламби". Ембдартандо' паркы, тар" пи"ми, сабкасыда пиби, саби, ладкари сэдаби". Сырэй паныдо' ёря" ты" хобахат сэдыбидо'. Ная' нярмаңэ мэта ладкаридо', пи"мидо' мярэй" хобахат сертавы". Сабкасыда пибито' пиняңы" тивтей", нэрти" хобахат паркавы".

Тюку илаңгана чукча" нани" ненэцие" тотрев' ноканоум' пелядо' хардахана иле". Хардахана нэда" манзаи" хари мине". Ханяңыдо' луца' хэхэн' туё"ңа", нанидо' невхы" иринато' иле"ми" сер харто' тадебито' табеку нэда иле". Иринато' мэ"мы" илм' нидо' юрыбою". Пыдо' харто' вадито' хара", сэдо', хобцокудо', лаханакудо', ва"алдо' тания". Тарем' невхэхэт падарци" и' нут' ма"лавэхэн"нато' ноб" ваде"тадо' Куркыль варңэс сюдбядо' тания. Лаханакохо"нато' тикадо' хуркари" сидяңгаха" ха"морга нямгэ.

Ханяңыдо' халэ"мана хане пэрңа". Нэрё' няна ябда' ханевамдо' мале"махадандо' халэ' ед' хэбидя ялям' мэ"ңа" – «Праздник кита». Нани похона сававна



Сидяңг.: Марина Ярой' тадтавы"

ханевандо' няю' яв' ит' ханм' сертаби". Чукотка' тер" нэрка пэвдей ирыхына иландо' едэй по' няю' яраван' маймбавамдо' манэ"лабтамби". Тикы ялямдо' «Пэгытти» нюмна нюмдебидо'. Нара' няна таңы манзаяхато' пэвандо' нерня «Кильвэй» нэрка ялям' ядабтамби". Нобт' ма"люрмандо' сер' танияңы я' тер" тарабато', сэ мэпто' невхы" нито' тотрев' хуркари" я' илени" илм' манэ"лабтабтамби". Хуркари" я' илени" мунобцовна сэдо' хэңгадарңа". Пензеродо' тойбтамби", варганха"нато' сянаку".

Я' тиңгывна чукча" тэнзм' мэта юнета" ненэцие" поңгад теневавана" – Юрий Рыхтхэу. Пыда падвы" падрода сян я' тер" вадавна нэдибермы". Ханяңы" падвэвната кино сертавы". Юрий Сергеевич' вадавна, сямян ненэцие" тэнз" иландо' саир" нани" няхатато' сяхари' яңга". Мал' ноб" сермам' мэтарыхава" нэвы нэб"нана" нани" хибя" ехэрана" няха"нана" илна" илекархада яңгодась.

Алла Вануйто' падвы

## Информация об общем объеме бесплатной печатной площади, предоставляемой печатными изданиями для проведения предвыборной агитации выборов депутатов Государственной Думы Федерального Собрания Российской Федерации девятого созыва

Общий объем бесплатных полос в общественно-политической газете Ямало-Ненецкого автономного округа «Няръяна Нгэрм», предоставляемых для проведения предвыборной агитаций по выборам депутатов Государственной Думы Федерального Собрания Российской Федерации девятого созыва, – 4 полосы А3 (3800 см2).

## Информация об общем объеме платной печатной площади, предоставляемой печатными изданиями для проведения предвыборной агитации выборов депутатов Государственной Думы Федерального Собрания Российской Федерации девятого созыва

Общий объем платных полос в общественно-политической газете Ямало-Ненецкого автономного округа «Няръяна Нгэрм», предоставляемых для проведения предвыборной агитаций по выборам депутатов Государственной Думы Федерального Собрания Российской Федерации девятого созыва, – 4 полосы А3 (3800 см2).

## Информация об общем объеме бесплатной печатной площади, предоставляемой печатными изданиями для проведения предвыборной агитации выборов депутатов Тюменской областной Думы восьмого созыва

Общий объем бесплатных полос в общественно-политической газете Ямало-Ненецкого автономного округа «Няръяна Нгэрм», предоставляемых для проведения предвыборной агитаций по выборам депутатов Тюменской областной Думы восьмого созыва, – 4 полосы А3 (3800 см2).

## Информация об общем объеме платной печатной площади, предоставляемой печатными изданиями для проведения предвыборной агитации выборов депутатов Тюменской областной Думы восьмого созыва

Общий объем платных полос в общественно-политической газете Ямало-Ненецкого автономного округа «Няръяна Нгэрм», предоставляемых для проведения предвыборной агитаций по выборам депутатов Тюменской областной Думы восьмого созыва, – 4 полосы А3 (3800 см2).

# Нерняны иландо' е"эмня

Хэвы си"ив яляхана тюку юнм' хэбицюковна мале пады-  
биваць. Теда' янамбовна џамгэ харадо' тензибтеугува".  
Неняг" иры' нюртей яляхана Москвахана тодо" яхат  
товы" џэрм' тер" не" ма"люрџаць. Пыдо' е"эмняндо'  
таславы нябимдей форумдо' мэ"џаць.



**Зоя Михайловна Сопка**  
ма"нисяв, ям' сяма, вадам'  
минрева – мал' тоена".  
Вадёданана" џацекэхэ"  
илна" саирм' ваде"џава",  
манэ"лабтамбива".



Сидяг": Марина Ярой' тадтавы"

сава, хуркари ехэрана џани тэнз  
не манэ"џадм', ехэрана џаво  
намдадм'. Форум яџговы џэб",  
сяхаџгарт' ненадо ненэцие"  
понд' нидамзэ тэваџгу". Тад  
тасла невхы" ирина"ни ила'  
саирм' нёдаба"ни џод" џока ехэ-  
рана ненэцие" понд' џани' тэва  
пир"мэв.

Дальний Восток, Ѓэрм' яна"  
министр џани' тикахана лаха-  
нась. Мале сян ненадо вадам'  
хэтась. Ма"нисяв, џэрм' тер" не"  
минрена манзаядо' яна" нерняны  
илам' тасламби, пыдо' хуркари"  
яха"на манзара". Мирдаџгурти"  
поџгана џокаюм' пелядо' – не"  
џэсеты". Дальний Восток' няна  
сымянхат џокавна џацекы" со-  
яџга". Ньюдо' вадавандо' няю'  
хуркари няд"ми џадимдемби".  
Тикыто' ирмня ханяџдо' тарем'  
џод" тохолку", серодо' пэрџа",  
нидо' нядаби".

Ерво" вади" пуд тодо" явна  
тасалкобидо' пэйдаць. Хибя  
ханя' хэвам' не" юкад вата си"-  
ив сессийхад харе" минрена"  
серото' нямна тасламбидонзэ.  
Мирдаџгурма, лекар" манзая,  
тохолкова, вадам' лэтрава, џэрм'  
тер" џавар" џавыд, я' тебм' нэ-  
калпава, тамна џани" џамгэ"  
таняць.

Ѓоб" тасалковадо' вадам' лэ-  
рава', ила' саирм' нерня' пэрма'  
нямна џась. Ихиня тикы сессиядо'  
ёльце ненадорхась. Нерня' џа-  
дибермы" поџгат сымянхат мэввна  
Чукотка' няд товы Зоя Сопка ла-  
ханась. Вадита пуд не" мал' ярџаць.  
Вадада манзаянда нямна џась.  
Мале џока по" общинам' ня"амби.  
Ма"нисяв, харе" невхы яранга'  
мят' харва серм' пывась. Мядм'  
минрева саць џарка тоенана сер".  
Илаџганани тарця ватом' илева'  
нёдадм' – «Сававна серта нибат"  
пирас", нёр" сертабю"!» Ѓадьбяни  
манзаями џани' сер" минре нив  
пирас". Общинани ирмня там-  
на сайнорти нядабива". Маня"  
няхар" миллион' пир" есям' ма"-  
лаваць. Тюку по' таняна хасава  
нюми яџгумась. Нядаџгурџадм'.  
Таня' џэдалёрпа"ни сайнорта  
харе" нюни е"эйџэ маниеян.

Нердена яля' вэс" тыхынар-  
каць. Та' мальџгана Совет Фе-  
дерация' џэвахана мэна Вален-  
тина Матвиенко турџась. Пыда  
е"эмняна" илаџгана тарана вади  
хэтась. Ѓоб" сидя вадахананда  
Ямалханана" ханзер" илевава",  
«Чумовой капилгал»м' тензиб-  
тесь. Вадита пуд тарця серм'  
џани" џэрм' ё" тиџгывна минре-  
ванзэ тасламбидо'. Округхадна"  
Янна Кондыгина, Приураль-  
ской районхад товы лаханась.  
Вэсаконда ня' невхы" иринати'  
ила' саирм' нёдаџаха', мале сян  
нюм' вадабихи'. Мюсеванди'  
хавна мяканди' етри' џани"  
яхат мядонда" турџа". Пуна  
тасалкоби" вэџгохона хонрамби-  
вась. Янна тарем' мась:

– Сейми нись пин". Нерцюбт'  
мале сян яџорэй' ваде"мандини  
тидхалембидонзэ. Нянани џули"



**Янна Кондыгина** нерна" няд  
иламда хайна ваде"џась.

Сидяг": northern-women.ru/press-center/photo/ няд ханавы

Пуданда инзелевы" не" яраць  
хаиць. Ѓоб" нянда инзелевы  
Тасу' яв' няд џэда Светлана Яндо  
ма"нисяв, ненэся мядм' минрева  
по' вэчна тоенана сер". Хэ"ли  
хибя тарем' манзара нида пират".  
Ѓобтики мя"ма" таня, тикар не-  
нэй ненэцяџэ илна" саирм' лэтра  
ватова". Мани' вэсакони ня'  
џани' џэсысавэйни". Форумва"  
џули" тарана сер". Ѓани яхад  
турта не лаханакурць няць џока  
едэй џамгэм' намдадм'. Няби  
я' панхад товы нини" хуркари  
тарана иџуд минре".

Тёняны ненэй ненэцие" округ-  
хад товы нява" Наталья Латыше-  
ва яханандо' џамгэ то"олха серо  
минревамдо' хэтась. Яханандо'  
мутры няд"мяць словарьм'  
сертавы". Пэртямдо' џарка  
няд"маџэ тасламбидо'. Вади"  
хэтыр" џани' таня' пэръядо'.  
Яханандо' тикамдо' џаха"на пя-  
донзэ, ненэся сава џэвамда ил'  
манэ"лабтаџгуда.

Ѓани' џоб" сымянхат мэкад  
сессиядо' теда' илаџгана му-  
тры мэ"ма" нямна џась. Ханзер"  
илаџганана" мутратна иџудм'  
тасламбава' няю' тохолкуць.  
Падвы, падтавы, хэтвы вада  
ненэця' сертавы џэвам', нивам'  
тасламбиваць. Тюку илаџгана  
мянувнанда тоенана сер" џэвы.  
Тарця тенева џани' харадо' та-  
нявы. Таня' товы" не" минхандо'  
хамэдэйдонзэ. Карелия' няд џэда  
Екатерина Гаврилова ма"нисяв,  
мань џаркамбой не џэб"ни џод"  
мал' хамэдэян. Си"ни џар" ни-  
ни" ня' џамгэ џэвамдо' хамэ-  
да я"амсетыва". Мянувнандо'  
тоенасеты". Тохолкова џули"  
сава џэвы. Тарця џамгэхэт тоса  
тара.

Пудана вадамда не" Евразий-  
ской Совет' џэвхана мэна Галина  
Карелова хэтадась. Ма"нисяв,  
форумва" едэй иџуд џадимде.  
Теда' община", мирдаџгова",  
не нядабава' няю' едэй" сер"  
џадимда". Тикы" падрона"  
хуркари" ерваха" џэдараџгуна".  
Тюку мэвахана џэрм' я' терри"  
ниць мы". Ѓока вадам' џэрм' тер"  
не" пенсия', ям' сяма', я' тебтм'  
нэкалпади" ня' ханзер" џобкана  
манзарава' е"эмня џамгэм' серта  
сава џэвам' ваде"џаваць. Ѓока  
вадам' не" сёнзья' мюй' сенз џэва',  
интернатхана илена" џацекы"  
хурка џэва', нюдяко харда-  
хад џарка ян' тэворма' нямна  
мэ"џаць.

Сидя яля' ямбан' ёнар" не"  
мандалёвахана мэвыць. Та-  
салковандо' пуд тарана няд"ма  
падарм' џадимдеџгу". Хусувэй  
хэтвы вадам' ненадо падар"џэ  
сертаџгудо'. Сиддо' џобт' ма"-  
лавыдо' мале няхаромдэй фо-  
румман' хамекурта".

**Марина Ярой' падвы**

ЛЕСНОЙ  
ДИАЛЕКТ

Ҷадка Россия дяханана недяңк дилиң шитчетты дядя – мятчел дядяңә тунды. Души” дилхана куптат тадыңайта кайвюча дядя, символ’та – ромашка ними’та вепаку. Ҷыди” понанта чики дядям мятчел” ләтпәтахаң Пётр и Феврония Муромских ними’тахаң святойхиң дет шедтамы, четы нимта «День семьи, любви и верности» 2008 похона ңычимы.

Маня” Пюд дяхана мятчел дет тондюта дядям недяң дилиң четты дядяхана мәҗатоньш. Талдкахана ңу ка тэмс неша” «Прибрежный» паркан ңомаш”. Нитуң хома на ватамы”, чильниймана дилмтуң минлена” нетуң поздравимантуң мәты шанат тэмс неша” мятчелсамың тоңаш”. Таньдет шедтамы парадхана ңука мятчел” миндеш”.

Чики” поңкна маня” не-нэй неша’ няхадәна тады-мәҗаханьш. Иван Анчемович Пяк пушанта Тайпта Хачевна няң чет’дю” хамплярк пуң хома шоньшахана неч’няш дилиңахаң. Мятчел” дет тондюта дядяхана вәкохоң – пушахаң ңопт каймямч дядямч мәҗаханьш, несыма-на питчамеч ЗАГСхана ңайта паталт ңамтаҗаханьш’.

Чики дядяхана шичеч’ поздравийпә мунута”хат кудкади” хома вачи” нам тҗаханьш’. Иван Анчемович, Тайпта Хачевна выңкна Ханымей’няна дилиңахаң. Пы’чи диланьч дямпан Пуровский’ районхана ңайта «Верхне Пуровский» совхозхана кадиташ мансламаньч де’эмня

кудкади” патдоч, ведву” мимы, тады”. Четаң вәкохоң – пушахаң маньде’ пеншихина мәҗахаң, купнаң мансламаньч де’эмня ветеран Ямала ңә тундыхиң. Иван Анчемович, Тайпта Хачевна нич’ чупей” хомана ватамәч. Каса нич”, ни нюхудәч шаңкмян, выңкай дилант тадана, мансян тоходамәч’. Чупей чильниймана дилмтуң миндеш диде”, манслаңа”. Нич” хомана ватамахатач, вәкохоң – пушахаң четаң нич” нюувдехе” майпәштухуң. Ҷопт каймяч дядямч Иван Анчемович, Тайпта Хачевна маня” Пюд дяханана дилина” ңука тэмс



Таттама: Лариса Айваседо таттамы



нешади” поңкна мәҗачаньш. Пыч’ камнаньч чики дядяхана ңопт каймямтуң дядямтуң мәта луса” ңупчики тадымәҗаш”.

Мятчел” дет тасламы дядяхана «Прибрежный» паркхана кудкади” шедтаҗаш”. Кальтуң хәтмайтуң, шедтамайтуң ңамыдетуң ңычимчемпюта, мичилпәта тадымәҗаш, таттаңкучи” фотозонат шедтаҗаш”.

Чикиң камна культурахана мансланна” кудкади” кынсу” мәҗаш”, вильта мастер-класс ңычимчеҗаш”, ңашкиуди” шана’кудтымпиш”. Талдкахана мятчел” дет тасламы дядям шанат тэмс неша” хома шоньшахана мәҗатоньш.

## ОБЪЯВЛЕНИЕ

Ямалхана СВО’  
няна сайнорта”  
ненэцие”, мято’  
тер” е’эмня  
җадимдевы”  
няд’ма”



СВОИХ  
НЕ БРОСАЕМ

ВСТУПАЙ В РЯДЫ  
РОССИЙСКОЙ АРМИИ

КОНТРАКТНАЯ СЛУЖБА

6 700 000₽

ЕДИНОВРЕМЕННАЯ ВЫПЛАТА ЗА АМАЛЕ

4 000 000₽

ПОЛНАЯ ИНФОРМАЦИЯ ПО ТЕЛЕФОНУ

8(902)816-11-90

8(34922)3-98-08

ЗВОНОК ПО РОССИИ БЕСПЛАТНО

МИНИСТЕРСТВО ОБОРОНЫ  
РОССИЙСКОЙ ФЕДЕРАЦИИ

contract89.ru

## Кудкади” шудна” кан’уди”

Кудкади” мэкатамна шедтамы” шудна” кан’уди”. Талдкахана мятчел дет тондюта дядяхана ңашки” нюпөшь мәта” кан’уди” дет ңайна парад’ шедтаҗаш”. Мянадман ха’та” нешаде” нельшут кондамытуң. Кукинтунюң коляска’ хома ңаймям ңычимчимпөшь ше’в мятчел” мяналяш”.

Чикидю” поңкна нешаңә ня”на ни ню, ЦНКхана мансланна няма’ Екатерина Берендеева тадымәҗаш. Хынильчи” кәвмана мяналта” ңуп пумна дятҗаш”. Немянатуң – нешанатуң ни”туң шудна” кан’уди” дөдьше хома, мэкатамна шедтамайтуң. Коляска” кан’удитунюң майшафт кудкади” хэйман камудта” ңамыдю” ңытымай”.

Чуки похона ни”туң шудна” кан’уде” шанат ңамэхә” тасды”: ту’ ңану, лекал’ кан’, ңай ңыди” мэкатамна шедтамы” коляска” тадыҗаш”. Тат’ хомакоди”, дөдьше медят, тотуң хэйман камудя”. Ҷашкиуде” мэкатамна шедтамы” кан’удитунюң моня ңамчә хынисумпи”, пиди нючаудитоң ңай шеднантуң кунь”.

Праздникан томы” маньшту”, тадыша конкурс’ хома. Нитуң шудна” кан’удет шедтапөшь немянатуң – нешанатуң ңокна, ңуп вив мә’ш мякнантоң ңайвашту”. Таньше мәма” ңамыди нешаң мятчелдхана хома.



Таттама: Лариса Айваседо таттамы

Лариса Айваседо патмы

# Хэбидя җацекы

Сеня" җавнанта Тасу' яв' вархана вэсакохо' пухучаха' илевэхэ'. Нюди' юңгувы. Вэсакор халям' хадабавы, пухуча җани' мяд' мансаям' пэрмы.

Амгэ' ёльчҗгана Тасу' ямгана халяда су-савы. Вэсакор почҗарманч' хэбнанта җод" мяканта җудариди нямба тосыты. Җоб, сидяри халяку хадавада җэсыты.

Вэсакор манма:

– Пухуча, сеня" Тасу' ямгана халяда җокась. Теда' җули" чанё . Җортипой" илебнани' хавндархани'. Маньчван мадм', Тасу' яв хэбидя ян' хэбнани савараха. Таняна нумт туё-тадм'. Нум маси" сими маянҗад вэңгрангу. Ти, ими тарем' ядэрҗа. Пыдар җани' хаман-дан?

Пухуча манма:

– Хэбнант хань"! Маньчван вынидм' тут". Ядэрч' ныхыми юңгуню". Тад җо" не хэбидя явна ядерпата вэва. Пыдар хэбнант, мякнани хаюдадм'.

Вэсаку манма:

– Җя, маньчван хантадм'. Хуняна пон' нён хуню"! Хув' мерчавна едапт пиреин.

Хуняна пухучар мер' юркы", едапта пириба пя. Амгэ пон' пирембаңгу? Җаварҗэ пиребада җопойри халякоча.

Тад вэсаку юркы". Җорч' ёльчемаданта пин' тарпы", хэбидя ян' яда пяда.

Сянри хунари мимбата җод" вэсакор хэбидя ян' тэвы". Хэбидя яхана җарка надо' сякна сив җарка харв вадювы. Маниебнанта тикы сив харв' ниня амгэв ябере. Вэсакор хахаярка то, тандая' сававна манэҗада: җоб" җарка харв' малхана сярвы ненэй епс' мюня җачекы ярмонта. Тандая' соявы җачекэча ярмонта.

Вэсакор май", ихнянта ма: «Теда' нюдми ходм'. Илевани ямбан' нюми юңгусиню". Нум нюдми таван нивакы харва"».

Тад тикы епсм' хаврада, мяканта пяда.

Мяканта тэвхава вэсакор чёрей":

– Пухучёв, пин' җадив"! Хасава җачекэдапт тадм'! Илевани' ямбан' нюми' юңгусиню"! Пухуча пин' тарпы". Епс' мюня мэна җачекым' манэч' җули" май", манма:

– Вэсаков, тедав' туми' сяхаңгарт' ни хап-чёд" . Поңгарманч' хань"! Маси" халяда җадимақы.

Вэсакор поңгарманч' хая. Нянэсяри җод", халяда җули" җокмы. Җанокочамта малҗэ халяхана пандада, яха' варан' варета тэвы".

Тикы' пуд вэсакохо' пухучаха' нюмти' вадабиди'. Хэбидя ню амгэ пон' вадёдаңгу, мер' вады. Хоркым' хадава' пирувна харта ядертеты, хоркы есҗгана еремдесяты .

Җобҗуна хасава җачекы манма:

– Ирикэ", хадакэ", маньчван хэбидя ян' хе-

ван харвадм'. Таняна соядамч', җадьбяни нув' нисями, нув' небями манэман харваҗахаюн.

Вэсакохо' пухучаха' маҗаха:

– Ептов, амгэда вэва? Хэбнант хань"! Мани' хамандани'? Пыдар нув' җачекэн' нинав җа".

Хасава җачекы хая, Тасу' яв хэбидя ян' тэвы". Тэвмахаданта манэҗада: җока җэдалёда ненэча" ханоманч' тувы". Тыду' нум' ханҗэ хадаванч' мэрха".

Хасава җачекы җоб" харв' малан' танэй", тикана җачена . Ненэча" тыду' нум' ханҗэ хадаба пяйду'.

Хасава җачекы вахалй":

– Сив тым' ханҗэ хадара", тамна сив тым' иле хаера"!



Тарча вади намдхава ханяңы ненэча" ма' ним:

– Ов, нум харта сидна" тарем' табедаванон-та. Сиври тым' хада мась җэңгувыню".

Ханомамту ёльчемахаданту ненэча" мин-ханту мяканту хая". Хасава җацекы җани' харв' малхад ян' хамы". Тад тикы иле хаювы ты мяканта танэйда. Вэсакохо' пухучаха' ня манма:

– Ти, тына" таняню". Тедав' тэсавэй ненэ-чаңэ нидим хант". Нянэсяри җод", вэсакохо' пухучаха' тэгаңэ хаяха'. Тыди' җокма".

Җамсади' җока, хобади' җока.

Хасава нюди' җани җавханта сер ханъя-ванч' ядертеты, илебцие хадасяты .

Җобҗуна вэсакохо' пухучаха' ня манма:

– Чуку яляна җани ханъяванч' хантадм', маси" җоб, сидя илепчам' хадаңгудм'. Мань юңгодаханани мюсерта ненэча" тута", мя-канти' мядоманч' тут" ним. Яптан, чер-сипой" нёиди' җэдара". Җоб, сидя сулякохона чердеиди'. Маңҗбада ненэча" җудариду' ням-ба нёя" хань".

Тарча вадам' хэтхава ханъя-ванч' хая.

Яля җарка еркана вэн" мадлыд". Пухуча пин' тарпы", няхар" җэдалёда ненэчам' манэҗа. Тад иикы ненэча" мят' чу", ваван' җамдыд". Вэсакохо' пухучаха' җавлайди'.

Җорч' ёльчемахаданту' ма' ним:

– Маня" маңҗба илева". Тэва" җули" чанё . Сулякодва" нипчуди' тат"? Вэсакохо' пухучаха' тыди' сянч' мунчалмаха'. Хадҗо" миман ниhi' харва".

Тарча сер" җэсь мядонта ненэча" җопкарт вадам' нись мэс" мяканту хая". Пэвсюмя' няна вэсакохо'



пухучаха' нюди' то, сидя илепчам' хадавы. Тарем' җэпта җод" тарэн-чяда җули" вэва. Манма:

– Нер" мадамтиню": маңҗбада ненэча " тобнанту, черсипой нёя" хань", җоб" сулякона чердеиди'. Амгэ мань вадани нисяди' намд"? Маро ненэчантн' җэхэвабнантн', нув' вэва сэван' хамҗуди' .

Вэсакохо' пухучаха' җопкарт мунм' ниhi' соя". Амгэ' ёльчҗгана вэсакохо' нюди' җани' ханъя-ванч' хая. Юңгодахананта җоб" маңҗбада ненэч' то. Вэсакохо' мят' чу, вав' ни' җамды". Манч' ханада:

– Маньчван җули" маңҗба иледм'. Нюни җамдаду юңгу. Җамсакодми тади', сидя пенакодми тади'. Җобни вома".

Тарча вади намдхава пухучар ненсюмя, ма:

– Хусувэй маңҗбада ненэчам' хаманч' җавламбҗуни'?

Вэсаку җоптарем' ненсюмя, манма:

– Нянэсяри җод", хусувэй маңҗбадам' җавламбабнани', харени' җортипой" хаң-гуни'.

Тикы' пуд җэта ни' юркы". Тикы' ненэчам' нэкалҗада, пин' питарҗада. Ма:

– Хэвняку хань"! Нянани' нин тара"!

Маңҗбада ненэчал' я' сидя ян' хая. Пэв-сюмя' няна вэсакохо' нюди' то. Лаханавартан ни харва". Сята няби хэв пидрев' пармвы. Манма:

– Сеня" мадамч', пыдари' саво ненэчантн' җэдакэди'. Мароди' җэвэди' . Тарем' хар-вабнантн' амгэртари' юңгуда. Маньчван маңҗбада ненэчаңэ турҗадамч' пыдари' амгэ' толха җэвамти' манэманч'. Тедав' пилипон' хантадм', пуня' вынидм' тут".

Тад мякад җадимья, сив яңор" сюдаптай". Тыда малҗэ юху", тари тымсыд" . Харта җани' я' сидя ян' хая.

Тад тикы' пуд вэсакохо' пухучаха' вэвавна илелъяха', сэрдалъяха'. Ненэча" манчты": җоб" по' ямбан' илевэхэ', тад тикад сидяңэ җортипой" хавэхэ'.

(Пелямда җадиманда газетахана толаира")

«Ненецкий фольклор»  
толаңгобц' мюд ханавы,  
К.И. Лабанаускас' падвы



# Мел" нэвада паўгхаданда миңа



Ирина Геннадьевна Окотэтто манзаида манэ" лабтамби.

Неняңг" иры' сибимдей яляхана «Саля' яв' вархана» нюбета выставка нэяць. Ирина Геннадьевна Окотэтто' мяд' тер" няю' нэда нарка яля' ед' манзаида манэ" лабтаванзь «Наследие» м' нюбета толаңгулава' хардахана ненэцие нобт' ма" лась.



Сяхари' саңон' сававна ха"амвы" ңамгэ" тэри хамзьялэдарха" нэңгу". Выставкан' товы" ненэянда нод" мел" няндо' сертавы манэ"мандо' сер' идо' тэри хэбилеңгаць. Няхадандо' хусувэй намдавы вададо' сейхато' лимбикавна ха"морҗась. Ханя тарця ңа", Ирина Геннадьевна

яханана" юнета, мел" не. Ямал' тер" илам' хари" сававна те-невыда. Нэрм' тер" ила' саиро нерня' минрена нита поңгана мале пон' манзара. Сяхари' Ямал' яхад манэ"лабтярҗэ ңани явна сертавыда ядэласетыдо'.

Падтавыда, сэдвыда конкурсаха"на тарасеты". Небо' пыда мел" ненэця' нэванда няю' ненадо нювм' ня"мась.

Товы" няхата хусувэй падтаңго"мамда ханзер" ңадиво"мам', ңамгэ' нямна нэвам' ваде"җась. Вадавнанда сямьнхат нерденада «Нара' не ңацекеы». Тикахана не нюмда нара', я' иленалва' ёльцьңгы" пунумдад няд"мяць падтавэда. Ңока" манзаи" поңгад

ин' поя ха"амвы падтаңго"мада – «Хакэ». Тэри ңабцата, ңокаюм' падтаңго"маха"ната мята тер' падтамбавы. Ханяңыда хой' тер' илам' табамбись: «Ватоңгова», «Сит вынд' ханаңгудм'», «Еня». Ңанида ненэцие" невхы" ил' ва"ал" вадетарха": «Ил' ңади-во"ма», «Хад' не», «Я' миня».

Падтавыта хавна мел" нева" сэдвыда манэ" лабтярҗэ табамбись. Хуркари" нойхат, хобахат сэдорованда хавна тамна мэкад серм' сяхаңгав' ховы. Халя" хобахат сэдвы" ңамгэрита нямна лаханась. Ханзер" илека серм' хо"мамда няна" ваде"җадась. Халя' хобам' мэядамбавам' ноб" сава нехэд манэ"мэда. Ңобнгуна Казым-Мыс' харад' няд нэда Галина Лобанова пыря' хобам' мэядамбавам' манэ"лабтамбавы. Тикы' пуд нява" харта тарця серм' хорпа пывэда. Теда' пыря", нэя", няңэхэй" хобахат хуркари падко сэдыби. Тамна халя" хобахат сэдвы яёлако сертаби.

Тикы' яля' харта манзаита хавна нисьянда падтавы манэ"лабтамбись. Геннадий Алексеевич Пуйко паднана ненэць' нэванда хавна сававна падтаңгодась. Пыда мале сяң' по' ңацекеы школахана падтаңго то-холамбись. Ирина Геннадьевна нисьянда падвы, падтавы ңули" лэтрамбида. Товы" няхата инда ядан' ваде"мэхэ"ната небяхаюда, нисяхаюда сава вадаривна тензибтембихиюдась. Вадавнанда тикы' няхаюда сита илаңгана нерня' нэсь табамбвэхэ', хусувэй ңамгэн' сита тохоламбвэхэ'. Теда' нобтарем' хэвхананда мэна" мята тер" нянанда саць тарана няд"-мида. Хусувэмдо' сяңа, мэне, нобтарем' сахарамби. Лина' не нюнда вадавна, небяда ңани' нянанда сямьн ңамгэхэна табекодада, нядаңгодада.

Ңоб" лаханавы мядонданда вадавна, тюку няна" мел" нэвада сёнзянда мюй паўгхад миңа, соя"махатата ңа, янда хобахад пере. Сяхаринда мяд' тер" таявва ненэциам' мэбе"ламбида.

Нюдяне Махакуй'  
падвы



Сидяңг: Дания Соболева' тадтавы

Сидяңг: Анна Ягтик' тадтавы"

Газета «Няръяна Нэрм»	Главный редактор Яр Марина Тэтакучевна	ГЕНЕРАЛЬНЫЙ ДИРЕКТОР АНО «Ямал-Медиа» Зулинова Мария Андреевна	№ 28 Подписано в печать 9.07.2026 г. Вышла в свет 11.07.2026 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
Учредитель – департамент внутренней политики ЯНАО (629008, ЯНАО, г.Салехард, пр-кт Молодёжи, д. 9, каб. 708).			Тираж 3600 экз. Заказ № 225 тз (тираж 3600 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнунянца, д. 1, каб. 106	Цена годовой подписки 166 руб. 84 коп.
Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д. 9, каб. 708)			Фактический адрес: 629007, Ямало-Ненецкий автономный округ, г. Салехард, ул. Чубынина, 39А	В розницу не распространяется.
Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559			Газета выходит по субботам.	Адрес редакции: 629003, ЯНАО, г.Салехард, мкр. Богдана Кнунянца, д. 1, каб. 106 тел. +7 (349 22) 4-53-32
				E-mail: nn@yamal-media.ru